

Түркістан облысы Қазығұрт ауданының адами әлеуметтік дамыту бөлімі
мемлекеттік мекемесі «Алтын сақа» бөбекжай – балабақшасы МКҚК



Бекітемін

Балабақша меңгерушісі

Р.Қаламбаева

«Құтты болсын Жана жыл»

«Балапан» кіші тобы

Тәрбиешілері: Нұрымбетова.А
Шаханова.Н

2021-2022ж

Қош келдің, Жаңа жыл

Тақырыбы: Қош келдің, Жаңа жыл!

Өткізілетін күні: 28 желтоқсан

Өткізілетін уақыты: Сағат 11.00

Мақсаты: Жаңа жыл мерекесінің маңызын үйрету.

Қатысатындар: Жүргізуші, Аяз ата, Ақшақар, сиқыршы, аю, қоян, клоун.

Жүргізуші: Құрметті ата-аналар, қонақтар, «Балапан» тобының кішкентай бүлдіршіндеріміз, сіздерді келе жатқан Жаңа жыл мерекесімен шын жүрегімізден құттықтаймыз! Жаңа жыл әрбіріңіздің отбасыңызға жаңа нұр, жаңа шуақ, табыс пен береке, қуаныш пен мереке алып келсін дейміз.

Балалар әндетін, қол ұстасып кіреді. Шеңберге тұрады.

Жүргізуші: Балалар, біз барлығымыз жаңа жыл мерекесін тойлауға жиналдық. Бүгін біздің мерекемізге кім келеді?

Жүргізуші: Балалар, енді Аяз ата мен Ақшақарды шақырайық.

Балалар : Аяз ата!

Жүргізуші: Дұрыс балалар, ал Аяз ата не әкеледі?

Балалар: Сыйлықтар.

Жүргізуші: Балалар, енді Аяз ата мен Ақшақарды шақырайық.
Сол кезде Адина жүгіріп ортаға таппағын айтады.

Сылдыр-сылдыр қоңырау,
Сыңғырла да, сыңғырла!
Ертегі енді басталсын,
Ақшақар келсін ортаға!

Барлығы бірге: Аяз ата мен Ақшақар!

Музыка. Аяз ата мен Ақшақар кіреді.

Аяз ата: Амансыңдар ма, балақайлар? Мен сендерге асыға келдім, ау!

Қарасам бойларың да өсіп қалыпты ғой.

Жүргізуші: Аяз ата, біздің сізге дайындаған өнеріміз бар.

Аяз ата: Ау, қызым Ақшақар, тыңдап көрейік пе?

Ақшақар: Иә.

Тақпақтар:

1. Арсен:

Аспан жерге төгеді,

Ақ күмісін уыстап,
Жаңа жылда келеді,
Бізге қарай жылыстап.

2. Жанерке:

Өлең де әзір, ән әзір,
Ойын да әзір, бәрі әзір.
Кел, жаңа жыл, біздерге,
Кел, жаңа жыл, жаңа жыл.

3. Адина:

Көрсін біздей балғынды,
Көңілденсін ол енді.
Шырқатайық ән жырды,
Шырқатайық өлеңді.

4. Асылжан:

Далада қар борайды,
Ақ мамыққа орайды.
Мұз болады қатады,
Жып-жылтыр боп жатады.

5. Ақсезім:

Жаңа жылдың таңы неткен арайлы,
Ақ мамықа бөлеп алды маңайды.

Барлық балалар:

Жаңа жылмен құттықтаймыз бәріңді,
Бақыт, шаттық, молшылық пен тыныштық,
Бәрімізге әкелсін мына арай жыл.

Аяз ата: Балалар өнерлері жақсы екен.

Музыка. Қоян секіріп келеді.

Қоян: Ой, балалар, мені құтқарыңдаршы. Ол мені жеп қоямын дейді.

Жүргізуші: Кім сені ренжітті, сен кімнен қорқып отырсың?

Қоян: Кім болушы еді – қасқыр! Мен естігенмін, ол жаңа жыл мерекесінде мені қуырып жеймін дейді.

Жүргізуші: Сен бізбен бірге жүр, ешкімнен қорықпа, біз барлығымыз қосылып қасқырдан сені құтқарамыз. Ал қазір бізге қыздар тамаша би дайындады. Бәріміз бірге билейік.

Қоян: Менің де билегім келіп тұр, билесек билейік,
Би «Буратино».

Би біткен соң қасқыр келеді. Барлық жерді иіскеп, тістеп.

Жүргізуші: Мынау кім екен?

Қасқыр: Кім дегенің қалай? Ол ең әдемі, ең батыр, ең мықты, ең шапшаң ол мен –қасқыр.

Жүргізуші: А.....солай ма? Осында қалай келіп қалдың?

Қасқыр: Мен жай жүрмін, сендердің мерекелеріне әдейлеп келдім. Ал сендер қоянды көрген жоқсыңдар ма?

Жүргізуші: Ал сен оны қайтейін деп едің?

Қасқыр: Жай, менің қарным ашты (қарнын сипайды), ой айтып қойдым ғой.

Жүргізуші: Қасқыр, саған ұят емес пе? Сен неге оны қуалайсың?

Қасқыр: Мен бәрібір оны жеймін.

Қоян: Қасеке, сен мені жеме, менің саған деген мерекеге арналған сыйм бар.

"Көңілді құрбақалар"биі

Қасқыр: Ой, қоян, сыйлығыңа рахмет, менің көңілім көтеріліп қалды. Мен саған енді тиіспеймін.

Жүргізуші: Балалармен "Қарды жинаймыз" ойынын ойнатамыз.

Ақшақар: Аяз ата, балалардың өнерлері қандай тамаша, тағзы қандай өнерлерің бар, балалар, біздің көргіміз келіп тұр.

Аяз ата. Иә, Ақшақар, дұрыс айтасың.

Шырша әні.

Жүргізуші: Балалар, бүгінгі мереке сендерге ұнады ма?

Аяз ата: Бізді басқа жақта балалар тосып қалды. Бізге кету керек.

Жүргізуші: Ендеше Аяз ата мен Ақшақарға сау бол айтайық.

Бәрі бірге: Сау бол Аяз ата, Ақшақар! Рахмет!

Жүргізуші: Осымен біздің жаңа жылғы мерекеміз аяқталды.

Бәріне сыйлықтар таратылады.